

Yohananni Chagdis Tanpo.

Yohananni chagdis tanpoe skor.

I chagdis dia dzadkanni n̄adaŋgunla khoran̄ji miŋbo shadda dzadte midug. Innaŋ i chagdis Griis tshulbo Yohananni dia dzadkanni gamoe nastshul taŋ, zobsshes, yaŋ s̄junme chostshogssi uskyon̄gunni spaŋpo taŋces gunne, i chagdispo Tsoo Yeshui skutshabs Yohananni dia dzadkanbo n̄adaŋgunla hagoanog.

Chostshogssi naŋŋa khaspagunne, i chagdispo, Yohananni Yeshu don̄ste santea zhan̄ste stiŋne lo 52 ne 62 nyekhorla dia dzadkanbo n̄adaŋgunla gyus chanog.

Yohananni i chagdis dicessi gyuntshanbo, silkangunla tedussi zusme lobpongunne skyobcespo inpin. Tegunni Yeshu ni mi tshulla i jigstenni naŋŋa mayon̄ŋa inkan yaŋ, n̄adaŋgunni sdigpe naŋŋa mitshe phudnaŋ digcespo labbadpin. Yohananni dodpabo, tatpacangunla khon̄gunni tharpa medkan cokanni zusme labzhagunne skyobba dzadcespo inpin.

Teboephia Yohananni ma salpo coste Yeshu ni, Konchoggi sas inkan yaŋ, mi tshulla i jigstenni naŋŋa skyodda dzadkanboe spaŋpo salladpin. Khon̄ŋi khon̄ taŋ, zhan skutshabgunni Yeshu thon̄kan, lagpa stekan, yaŋ khon̄ŋi molkangun tshorkan, n̄adaŋgunla idtu skulla dzads. Khon̄ŋi zhanma zunme labzhagunla, gyabgal coste n̄adaŋgunla sdigpe naŋŋa mitshe phudin dugste tharpa thobin, sam migoshespo salpo coste molla dzads. Tene khon̄ŋi tatpacangunla kazuggi denba taŋ zusme labzhagunla stagcad coin, tebo labba dzads.

Mitshee ka.

1:1 ne 4

1 ¹ N̄azhe khyozhagunla, gozugne pharla yodkanni mitshee ke skorla shadcesin, kaboe molkangun n̄azhagunni tshor yaŋ jal. Ona raŋŋi migne zhibsal coste jal, matshad khon̄ŋa n̄azharan̄ŋi lagpa stespin. ² Konchoggi te mitshebo s̄joncugga dzads, yaŋ n̄azhagunni khon̄ jal. N̄azhagun te mitshee spaŋpo innog, yaŋ khyozhagunla tenna thamedpe mitshe skorla shaddad, kabo Konchog yab nyampo yodpin, yaŋ n̄azhagunnika s̄joncugga dzads. ³ Khyozhagunni n̄azhagun nyampo del borcessi phia n̄azhe khon̄ŋi skorla tshorkan taŋ thon̄kan gun khyozhaa shaddad,

yaŋ ɳazhagunni ɔelbo ni, Konchog yab taŋ khoŋŋi ŋas Yesu Mashika nyampo innog. ⁴ Ɖazhe thadpogun ɔaɔa khyozhagun nyampo gocessi phia i igebo ɳazhe ɔiad.

Oddi naŋŋa dugces.

1:5 ne 10

⁵ I lonbo ɳazhagunla Yesui kane tshor, yaŋ ta dagsa khyozhagunla shadcesin. Konchog ni od innog, yaŋ khoŋŋi naŋŋa mundig mane medkyag. ⁶ Galtes ɳadaŋgunni Konchog nyampo ɔel borrad zerin taruŋŋaŋ ɳansemscanni mundiggi naŋŋa ɔulladna, tene ɳadaŋgunni zun taŋste ɔaŋpoe lammika mitshe maphudda innog. ⁷ Innaŋ galtes ɳadaŋgun oddi naŋŋa ɔulladna, kazug Konchog oddi naŋŋa zhugste in, tene ɳadaŋgun cig taŋ cig nyampo ɔelte innog, yaŋ khoŋŋi ŋas Yesu mashike skuthaggi, ɳadaŋgun sdigpa tshaŋmane stsaŋma dzadin.

⁸ Ta galtes ɳadaŋgunni sdigpa mane macospin zerna, ɳadaŋŋi raŋdaŋraŋŋa gobskorte innog, yaŋ denba ɳadaŋgunni naŋŋa medpa innog. ⁹ Innaŋ galtes ɳadaŋgunni Konchogga ɳe sdigpa cospin zerna, idshescan taŋ ɔaŋpo thagcad dzadkan, Konchoggi ɳadaŋgunni sdigpagunla shagspa salte, ɳadaŋgun ɳadaŋŋi las ɳaŋpagunne stsaŋma dzadin. ¹⁰ Galtes ɳadaŋgunni ɳe sdigpa mane macospin zerna, ɳadaŋŋi Konchog zunjan theces matshad, ɳadaŋgunni snyiŋŋi naŋŋa Konchoggi ke phia nassa medpa innog.

Tsoo Yesui ɳadaŋŋa rogs dzaddanog.

2:1 ne 6

2 ¹ Ɖe cespe dadpe naŋŋa ɳugugun, khyozhagunni sdigpa micocessi phia ɳe i speragun ɔiad. Innaŋ galtes suzhiggi sdigpa cona, Konchog yabbi skundunla ɳadaŋgunni phia zhuwa zhuste chadpe kane skyobba dzadkanzhig yodte innog, khoŋ ni Yesu Mashika ɔaŋpobo zhugste in. ² Khoŋ ni, tennabo zhugste in, kaboe ɳadaŋgunni sdigpagun sella dzadcessi phia khoŋraŋŋi ŋogpo salla dzads, yaŋ ɳadaŋ cigpoe phia manpa, jigstenpa tshaŋme sdigpagunni phiaŋ.

³ Ta galtes ɳadaŋgunni Konchoggi kagyagun kanyanna, tene ɳadaŋgunla khoŋ sheskanbo tantan gyus innog. ⁴ Suzhiggi "Ɖa Konchog shessad" zerte, khoŋŋi kagunla kanyanna medna, kho zunjan innog, yaŋ te miboe naŋŋa Konchoggi denba medpa innog. ⁵ Innaŋ suzhiggi khoŋŋi kagunnika laglen coadna, tantan tegunni naŋŋa Konchoggi dzomspo camspa yodkanbo thoŋŋanog, teboe ɳadaŋgun

Konchog nyampo ðelte yodkanbo ñadaŋgunla hagoanog. ⁶ Suzhiggi "Ña, Konchog nyampo ðelte in" zerradna, tene Yeshui mitshe phudda dzadkan tsogssi mitshezhiŋ, tegunniaŋ phudgoshes innog.

Kagya soma.

2:7 ne 14

⁷ Cespe dzaogun, ñe khyozhagunla ðikanni kagyabo soma manpa snyiŋpazhiŋ in, kabo khyozhagunla gomane pharla thobte innog. Cig taŋ cigga camspa cocessi te kagya snyiŋpabo, khyozhagunni sŋunla tshorte innog. ⁸ Innai te kagyabo somazhiŋgaŋ innog. Yeshui khorraŋŋi mitsheebo tenna kagya ðaŋða phudda dzads, yaŋ khyozhagunni phuddug, ciazerna khyozhe naŋŋa muŋðigpo medkan chen soŋte Konchoggi denbe oddi ldaŋspo khyebin charug.

⁹ Yaŋ suzhiggi "Ña oddi naŋŋa in" zerin, innai raŋŋi spun ya spunmo nyampo naphrad cona, tegun taruŋŋaŋ muŋðiggi naŋŋa dugste innog. ¹⁰ Yaŋ suzhiggi raŋŋi spun ya spunmo nyampo camspa borradna, kho oddi naŋŋa naste innog, khoe naŋŋa, kho sdigpe naŋŋa gyelcugkan caŋ medte innog. ¹¹ Innai suzhiggi raŋŋi spunzhiŋga naphrad coadna, kho muŋðiggi naŋŋa luste tenaŋŋa ðulin innog. Kho karu chad khoa gyus medkyag, ciazerna muŋðiggi kho zhara gyurcugte innog.

¹² Ñe cespe dadpe naŋŋa tuŋugun, ñe khyozhaa ðiad,

Ciazerna Tsoo Yeshu gyudte khyozhe sdigpagunla shagspa salla dzadte in.

¹³ Dadpe naŋŋa ldankangun khyozhaa ñe ðiad,

Ciazerna gozugne pharla zhugste yodkanni Mashika khyozhe sheste in.

Dadpe naŋŋa khyogtoŋgun ñe khyozhaa ðiad,

Ciazerna ñanpa shetannika khyozhaa gyalkhaa thobte in.

¹⁴ Dadpe naŋŋa tuŋugun khyozhaa ðiad,

Ciazerna khyozhe, Konchog yab sheste in.

Dadpe naŋŋa ldankangun ñe khyozhaa ðiad,

Ciazerna khyozhe gozugne pharla zhugste yodkanni Mashika sheste in.

Dadpe naŋŋa khyogtoŋgun ñe khyozhaa ðiad,

Ciazerna khyozhe mashike naŋŋa tatpabo stanpo in.

Yaŋ Konchoggi ka khyozhe snyiŋgunni naŋŋa naste

Khyozhaa ñanpa shetannika gyalkhaa thobte in.

Jigstenni phia dodpa macoshig.**2:15 ne 17**

¹⁵ Jigsten tañ jigstenni nañña yodkangunnika sems machagsshig. Galtes mizhig jigsten tañ, tenañña yodkangunla chagsna, khoe nañña yab Konchoggi phia camspa medpa innog. ¹⁶ Ciazerna jigstenni las tshañme nañña, sdigpe dodpa, migne thoñkan tshañme dodpa tañ, rañña yodkan tañ cokangunnika phoso yoññanog. Tegun yab Konchoggi chogsne manpa, jigstenni chogsne innog. ¹⁷ Jigsten tañ jigstenni migunni dodpagun medkan chen, innañ Konchoggi thugsthad nañzhin ðulkangun tusgyun sontea lusin.

Mashike ðao yoñcessi skor.**2:18 ne 27**

¹⁸ Cespe dadpe nañña ðugugun, ta thame zhagpo nyemo lebste innog. Mashike ðao yoñcespo khyozhagunni tshorte innog, yañ dagsañ mashike ðao mañpozhiq yoñ tsharte innog. Thame tus nyemoa lebste inkanbo teboe kane hagoanog. ¹⁹ Tegun ñadañgunni ðone biñste soñ, innañ denba khoñgun ñadaññi spun manpin, galtes inpinna, ñadañgun nyampo dugste yodðo. Ta khoñgun ñadañgunni ðone biñste soñ pasañ, khoñgun ñadañgunni spun mankanbo stanpo gyurte innog.

²⁰ Innañ khyozhagunla Konchoggi dampe thugnyid salla dzadpa, khyozhaa tshañmaa denbabo hagoanog. ²¹ Ñe khyozhagunla denba gyus medkyag samte manpa, khyozhagunla tantan sheste yañ zunbo denbe chogsne miyoñcespo gyusyod pasañ Griiste in. ²² Tene zunjan su innog? "Yeshu ni Mashika^a manog" zerkanbo mashike ðao innog, khoe, yab tañ şas nyiskoa khoraññi Tsoo mastsia innog. ²³ Suzhiggi Yeshu, Konchoggi şas inkanbo theamedna, te miboe yab nyampoañ ðel medte innog. Yañ suzhiggi Yeshu Konchoggi şas inkanboe spanpo tañna, khoe ðel yab nyampoañ yodte innog.

²⁴ Gomane pharla tshorkanni te lon zañpobo khyozhagunni snyiññi nañña lusgos. Galtes tebo khyozhagunni nañña lusna, khyozhagunni ðelbo yab tañ şas nyampoañ lusin. ²⁵ Teboe ðasbu ni, ñadañgunla thamedpe mitshe thobcessi khoññi zhalchad dzadkanbo innog.

^a2:22 mashike tontagpo Konchoggi ñadañgun sdigpoe kane skyobcessi phia ldamma dzadkanbo zerte innog.

²⁶ Ne te speragun, khyozhagun gobskorri naŋŋa khyoŋcessi stsonḍus cokangunni skorla spanpudcesla Griiste in. ²⁷ Innay Konchoggi kane thobkanni dampe thugnyidpo khyozhe naŋŋa lus pasay, khyozhagunla suzhiggian labgos medkyag. Thugnyid khoŋraŋŋi khyozhagunla citshaŋma labba dzaddanog. Te labzhagun denba innog, zun manog. Tene kazug khoŋŋi labba dzads, khyozhagun Mashika nyampo ḍelte dugshig.

Konchoggi ʈugugunni tshulla dugcessi skor.

2:28 ne 29

²⁸ Tennaboephia cespe dadpe naŋŋa ʈugugun, Mashika logste skyod zane, thelba machaa yaŋ ḡadaŋgun jigs majigssa, khoŋŋi dunla laŋcessi phia khoŋŋi naŋŋa ḍelbo chadmedla borshig.

²⁹ Mashika ḍaŋpo inkanbo khyozhagunla gyusyod pasay, las ḍaŋpo cokangun khoŋne skyeste inkanboay gyusinnog.

Konchog ḡadaŋŋi namkhe yab.

3:1 ne 10

3 ¹ Stosshiggaŋ, yab Konchoggi ḡadaŋgunla tsamshiggi camspa dzadte innog, khoŋŋi ḡadaŋgunla khoŋraŋŋi ʈugugun moldug, yaŋ ḡadaŋ tebo innay innog. Innay jigstenni tatpa medkangunni ḡadaŋgun Konchoggi ʈugugun inkanbo ḡoshessa manog, ciazerna tegunni Konchog ḡo mashes. ² Cespe dzaogun, dagsa ḡadaŋ Konchoggi ʈugugun innog. ḡadaŋgun kazug rig gyurin, dagsa tshogpa ḡadaŋgunla sŋoncugga madzadda innog. Innay Mashika sŋon zane, ḡadaŋgun khoŋ tsogs gyurcespo ḡadaŋŋa gyusinnog, ciazerna ḡadaŋgunni khoŋ khoŋraŋŋi denbe zirrijiddi yibssi naŋŋa jalin. ³ Yaŋ tebo thoŋcessi dodpa borkangunni, khoray stsaŋma borranog, kazug Mashika stsaŋma in.

⁴ Yaŋ sdigpa cokangunni Konchoggi kathimspo cagste innog, ḡospoa kathims cagcespo khoray sdigpa innog. ⁵ Yaŋ khyozhagunla gyusinnog, ḡadaŋŋi sdigpagun medkan cocessi phia Mashika sŋoncugga dzads. Khoŋŋi naŋŋa sdigpa medpin. ⁶ Yeshui naŋŋa naskangunni sdigpa coin midug, yaŋ sdigpa coin dugkangunla Mashika majalla, ya ḡoaŋ mashessa innog.

⁷ Cespe dadpe naŋŋa ʈugugun, suzhiggaŋ khyozhagunla gobskor taŋ macugshig. Ospe las cokanni mibo ḍaŋpo innog, kazuggi Mashika in. ⁸ Sdigpa coin dugkangun shetanni innog, ciazerna, shetanni jigsten chagspane pharla sdigpa coin yoŋste

in. Konchoggi şas, shetanni lasgun medkan dzadcessi phia skyodda dzads.

⁹ Konchogne skyeskangunni sdigpa coin dugga manog, ciazerna Konchoggi codpa tegunni naŋŋa nassanog. Tegunla sdigpa coin dugnyanna manog, ciazerna tegun Konchogne skyeste innog. ¹⁰ Teboephia ŋadaŋgunla su Konchoggi ŋugugun yaŋ su shetanni ŋugugun inkanbo shessanog. Las zaŋpo ya raŋŋi spunla camspa macokangun Konchoggi ŋugu manog.

Cig taŋ cigga camspa coshig.

3:11 ne 24

¹¹ Khyozhagunni gomane pharla tshorkanni lonbo ibo in, "Ŋadaŋgunni cig taŋ cigga camspa cogoshes innog." ¹² Adammi butsha, shetanni inkan Kayin taŋtsogs magyurshig. Khoe raŋŋi nobo sads. Ciphia sads? Ciazerna Kayinni lasgun ŋanpa taŋ, khoe noboe lasgun daŋpo yodpin. ¹³ Spun taŋ spunmo gun, galtes jigstenpe khyozhagunla naphrad coadna, teboa yamtshan matshorshig.

¹⁴ Ŋadaŋgun shicesne tharte sonpoe naŋŋa dugste inkanbo ŋadaŋgunla shessanog, ciazerna ŋadaŋgunni cig taŋ cigga camspa coanog. Yaŋ camspa macokangun taruŋŋaŋ shite innog. ¹⁵ Raŋŋi spun ya spunmo zhigga naphrad cokangun Konchoggi skundunla misad tsogs innog. Yaŋ misadciggi naŋŋa thamedpe mitshe medkanbo ŋadaŋgunla gyusinnog.

¹⁶ Camspabo ŋadaŋgunni ikane hagoanog, Tsoo Yeshui ŋadaŋgunni phia, khoŋraŋŋi şog salla dzads. Ŋadaŋgunniaŋ raŋŋi spungunni phia şogpo taŋgos.

¹⁷ Galtes nor yodkangunni, raŋŋi spun ya spunmo zhigga mitshe phudcessi gossdom yodkanbo shesteaŋ, khoa rogs coa medna, khoe naŋŋa Konchoggi camspa kazuggi nasin?

¹⁸ Cespe dadpe naŋŋa ŋugugun, ŋadaŋgunni khaa cigpone cespaa coad mazerra, denbaa raŋŋi lasgun laglen coste stanna, migyalla? ¹⁹ Teboe ŋadaŋgun denbe naŋne skyeskanni ŋugu inkanbo gyus chanog. Tene Konchoggi skundunla ŋadaŋgunni semssi naŋŋa zhide yoŋin. ²⁰ Galtes ŋadaŋŋi snyiŋŋi, ŋadaŋ raŋŋa skyon kalladna, jigs majigshig, ciazerna, Konchog ŋadaŋŋi snyiŋŋi saŋ waŋcan zhugste innog. Khoŋŋi citshaŋma khyenna dzaddanog.

²¹ Cespe dzaogun, galtes ŋadaŋraŋŋi snyiŋŋi, ŋadaŋgunla skyon kallamedna, ŋadaŋgunni Konchogga moslam lokhyel nyampo zhunyannanog. ²² Yaŋ cizhig khoŋŋa zhuna, tebo ŋadaŋgunla Konchoggi chogsne thobdug, ciazerna ŋadaŋgunni khoŋŋi kagunla, kanyante khoŋ thugsthadcessi lasgun coanog.

²³ Khoŋŋi kabo ibo in, ɲadaŋgunni khoŋŋi ʃas Yesu mashike tshannika tatpa khyoŋgos, yaŋ khoŋŋi ka naŋzhin cig taŋ cigga camspa cogos. ²⁴ Khoŋŋi kagunla kanyankangun Konchoggi naŋŋa naste yaŋ Konchog khoŋgunni naŋŋa nassa dzaddanog. Konchoggi ɲadaŋgunla dampe thugnyid salla dzad pasaŋ, Konchog ɲadaŋgunni naŋŋa nassa dzadte inkanbo ɲadaŋgunla gyusinog.

Thugnyid ɗaŋpo taŋ zuma.

4:1 ne 6

4 ¹ Cespe dzaogun, sutshaŋme speragunla den masheshig, innaŋ starcod taŋste te migunni naŋŋa yodkanni semsnyidgun Konchoggi chogsne innogga ya manog stagos, ciazerna zusme luŋstonpa maŋpo, i jigstenni naŋŋa biŋ tsharte innog. ² Khyozhagunni Konchoggi dampe thugnyidgun izuggi phesheshes innog. Yesu Mashika i jigstenni naŋŋa mii tshulla ltamste inkanboa spaŋpo taŋkanni semsnyidpo Konchoggi chogsne innog. ³ Innaŋ Yesui skorla tetsogs spaŋpo mataŋkanni semsnyidpo Konchoggi chogsne manpa, mashike ɗaoe semsnyid innog, kabo yoŋcescan innog, matshad dagsaŋ i jigstenni naŋŋa yodte inkanboe skorla khyozhagunni tshorte innog.

⁴ Cespe dadpe naŋŋa ɗugugun, khyozhagun Konchogne innog, yaŋ tetsogssi migunnika gyalkhaa thobste innog, ciazerna khyozhe naŋŋa yodkanni thugnyidpo, jigstenpagunni naŋŋa yodkanboe saŋ jigssazhig yodte innog. ⁵ Khoŋgun jigstenne in pasaŋ, jigstenni thogne labzha taŋŋanog, yaŋ jigstenpagunni khoŋŋi zerkangun nyannanog. ⁶ ɲadaŋgun Konchogne innog. Konchog sheskangunni ɲadaŋŋi zerkanboa nyannanog, innaŋ Konchogne mankangunni ɲadaŋŋi zerkanboa nyanna manog. Tegun gyudte ɲadaŋgunni ɗaŋpo thugnyid taŋ zuma semsnyid shessanog.

Konchog ni camspa innog.

4:7 ne 21

⁷ Cespe spungun, ɲadaŋgunni cig taŋ cigga camspa coshig, ciazerna camspabo ni Konchoggi chogsne innog. Camspa cokaŋ tshaŋma Konchogne skyeste Konchog ɲoshessanog. ⁸ Innaŋ camspa macokanboe, Konchog ɲo mashessa innog, ciazerna Konchog camspa innog.

⁹ Konchoggi ɲadaŋgunla izam camspa dzads, khoŋŋi ʃas gyudte ɲadaŋgunla thamedpe mitshe thobcessi phia khoŋraŋŋi ʃas cigcigpoaŋ, i jigstenni naŋŋa kalla dzads. ¹⁰ Camspabo ni, ɲadaŋŋi Konchogga camspa coskanbo manpa, khoŋŋi

ηadaᅅgunla camspa dzadte, ηadaᅅᅅi sdigpe phia khoᅅraᅅᅅi ᅅas chodpe tshulla kalla dzadkanbo innog.

¹¹ Cespe dzaogun, Konchoggi ηadaᅅgunla tezam camspa dzad pasañ, ηadaᅅgunniaᅅ cig taᅅ cigga camspa cogoshes innog. ¹² Konchog ni suzhiggaᅅ mane majalkyag. Innaᅅ galtes ηadaᅅgunni cig taᅅ cigga camspa cona, tene Konchog ηadaᅅᅅi naᅅᅅa zhugsanog, yaᅅ ηadaᅅgunni mitshee naᅅᅅa Konchoggi camspabo ᅅaᅅᅅa ᅅubte innog.

¹³ Khoᅅ ηadaᅅᅅi naᅅᅅa yaᅅ ηadaᅅgun khoᅅᅅi naᅅᅅa zhugste yodkanbo ηadaᅅgunla hagoanog, ciazhuna khoᅅᅅi khoᅅraᅅᅅi thugnyid, ηadaᅅgunla salla dzads. ¹⁴ Yabbi raᅅᅅi ᅅaspo, jigstenpagunni skyabgon dzadte kalla dzadkanbo ηazhagunni thoᅅte spaᅅpoaᅅ taᅅᅅad. ¹⁵ Yeshu Konchoggi ᅅas innog zerte spaᅅpo taᅅkan tshaᅅme naᅅᅅa Konchog zhugsanog, yaᅅ Konchoggi naᅅᅅa khoᅅgun nassanog. ¹⁶ ᅅadaᅅgunla Konchoggi camspa dzadkan, ηadaᅅgunla gyusinnog yaᅅ teboeka idshes coanog.

Konchog ni camspa innog, yaᅅ camspe naᅅᅅa naskangun Konchoggi naᅅᅅa nassanog, yaᅅ Konchog tegunni naᅅᅅa zhugsa dzaddanog. ¹⁷ Konchoggi naᅅᅅa naste yod zane, camspa ηati naᅅᅅa ldanin soᅅte tharkhyelpa gyurin. Teboephia ηadaᅅgun thame tussi thimscadla majigssa, spospa nyampo khoᅅᅅi dunla laᅅthubin, ciazerna i jigstenni naᅅᅅa ηati mitshe Yeshua tsogsla phudin innog.

¹⁸ Konchoggi camspe naᅅᅅa jigsgos medkyag, innaᅅ Konchoggi camspa dzomspozhig yodna, tennaboe ηadaᅅgunni jigssheshgun medkan coanog. Galtes ηadaᅅgun jigssadna, ηadaᅅgun chadpaa jigste innog. Jigskangunni Konchoggi camspabo khoranᅅunni naᅅᅅa dzomspo ldan macugga innog. ¹⁹ ᅅadaᅅgunni camspa coanog ciazerna goma Konchoggi ηadaᅅᅅa camspa dzads.

²⁰ Ta galtes suzhiggi zerna, "ᅅe Konchogga camspa coad" innaᅅ raᅅᅅi spun ya spunmo zhigga naphrad coadna, khoe zun taᅅste innog, ciazerna migne thoᅅkanni te spun ya spunmoba camspa macona, tene khoe mane majalkanni Konchogga camspa kazuggi coin? ²¹ ᅅadaᅅᅅa Konchoggi chogsne inna kabo thobte in, "Konchogga camspa cokanboe, khoranᅅi spun taᅅ spunmo gunlaᅅ camspa cogos."

ᅅassika tatpa.

5:1 ne 12

5 ¹ Yeshu Konchoggi ldamma dzadkanni Mashika inkanboa tatpa cokan tshaᅅma, Konchogne skyeste innog, yaᅅ yab Konchogga camspa cokan

tshaŋme, Konchoggi ƙugugunlaŋ camspa coanog. ² Galtes ƙadaŋgunni Konchogga camspa coste, khouŋŋi kagyagun kanyannadna, tene ƙadaŋgunni Konchoggi ƙugugunlaŋ camspa cokaŋbo gyusinnog. ³ Konchoggi phia camspabo ni, ƙadaŋgunni khouŋŋi kagunla kanyancespo innog, yaŋ khouŋŋi kagun bardocan medpa innog. ⁴ Konchogne skyeskan tshaŋmaa, jigstenni ƙanpa tshaŋmeka gyalkhaa thobte innog. Yaŋ ƙadaŋgunla mashikeka tatpa yodcespoe, i gyalkhabo thobte innog. ⁵ Jigstennika sua gyalkhaa thobte innog? Tennagunla kagunni Yesu Konchoggi ƙas inkanbo tatpa coad.

⁶ Chuithus lenna dzadkan taŋ ƙyaŋshiŋŋika skuthagphoa dzadkan gun gyudte, Yesu Mashika ni, Konchoggi ƙas inkanbo sŋonna dzads. Chu cigpo manpa, chu taŋ ƙag nyisko gyudte. Yaŋ ɗaŋpo molkanni dampe thugnyiddi, tennaboe spaŋpo sallanog. ⁷ Spaŋpo taŋkan sum yodte innog. ⁸ Tegun ni, dampe thugnyid, chuithus taŋ ƙagphoa dzadkan gun innog, yaŋ te sumkoe Yesu Konchoggi ƙas inkanboa khachams. ⁹ Ta ƙadaŋgunni mi spaŋpoboa idshes coadna, tene Konchoggi spaŋpobo maŋŋa tagpo innog, ciazerna ibo Konchoggi spaŋpo khouŋraŋŋi ƙassi skorla salkanbo innog. ¹⁰ Konchoggi ƙassika tatpa cokaŋgunni snyiŋŋi naŋŋa te spaŋpobo yodte tebo ɗaŋpo inkanboa idshes coanog. Yaŋ i spaŋpoboika idshes macokan tshaŋme, Konchog zunba theanog, ciazerna khouŋgunni Konchoggi raŋŋi ƙassi skorla salkanni spaŋpoboika tatpa macoa innog.

¹¹ Yaŋ te spaŋpobo ni, Konchoggi ƙadaŋgunla thamedpe ƙog salla dzads, yaŋ te ƙogpo khouŋŋi ƙassi naŋŋa yodte innog. ¹² Ƙas yodkangunni lagga te thamedpe mitshe yod, yaŋ Konchoggi ƙas medkangunni naŋŋa mitsheaŋ med.

Thamedpe mitshee skorla gyuschaces.

5:13 ne 21

¹³ Konchoggi ƙassi naŋŋa tatpa cokaŋgunla thamedpe mitshe yodkanbo gyuschacessi phia ŋe i igebo ɗiad. ¹⁴ Yaŋ Konchoggi thuggoŋs naŋzhinla galtes ƙadaŋgunni moslam zhuna, khouŋŋi sanna dzadcespo ƙadaŋŋi snyiŋŋi naŋŋa lokhyel tantan innog. ¹⁵ Ƙadaŋŋi zhukangun khouŋŋi sanna dzadcespo ƙadaŋgunla gyusyod pasaŋ, ƙadaŋŋi zhuskangun thobkan taŋtsogs innog.

¹⁶ Galtes suzhigga khoe spun ya spunmo zhiggi, nyalwe naŋŋa milebcessi sdigpazhig coa thoŋna, khoe phia moslam zhugoshes innog. Tene Konchoggi nyalwe naŋŋa leb milebcessi sdigpa cokaŋboa shagspa salte tharpe mitshe salla dzadin. Innaŋ nyalwe naŋŋa lebcessi sdigpazhig yodte innog. Ƙe tetsogssi migunni

phia moslam zhucesla zerramed. ¹⁷ Izuggi ta, las ñanpa tshañma sdigpa innog, innañ nyalwe nañña milebcessiañ sdigpa rig yodte innog.

¹⁸ Ñadañña gyusinnog, Konchogne skyeskangunni sdigpa coin midug, ciazerna Konchoggi şassi khoñgun skyobba dzaddanog. Yañ ñanpa shetanni tegunla nodskyal nyanna manog. ¹⁹ Ñadañgun Konchoggi ñugugun yañ jigsten gañpo ñanpa shetanni yogga yodte inkanbo ñadañgunla gyusinnog.

²⁰ Ñadañgunla iboañ gyusinnog, Konchoggi şas skyodte ñadañgunla denbe Konchog su inkanbo hagogessi shesrabs salla dzads. Ta ñadañgunni ðel denbe Konchog nyampo yodte innog, ciazerna ñadañgunni khoññi şas Yesu Mashika nyampo ðel yodte innog. Khoñ ni denbe Konchog tañ thamedpe şogpo in.

²¹ Cespe ñugugun, khyozhaa skunðagunne thagriñña dugshig..